



1. november 2021

Inatsisartut suleriaasaanni § 37 imm. 1 naapertorlugu Naalackersuisunut apeqqutit imaattut matumuuna saqqummiuppakka:

Naalackersuisunut apeqqutit:

1. Paris-mi isumaqatigiissut ilanngunnitsinnut nunatut suut pisussaaffigilerpagut?
 - a. Isumaqatigiissummut ilanngunnitsinnut aningaasatigut kingunissaat suuppat, qanorlu annertugippat?
 - i. Naalackersuisut kingunerluutaasinnaasunik nalilersuinikuuppat, tamatumanilu kingunissanik kisitsisaateqarnerlutik Paris-mi isumaqatigiissummut ilanngunnitsinnut?
 - b. Suliffeqarfiit nunatsinniittut isumaqatigiissummut ilanngunnerput qanoq malugissavaat?
 - c. Innuttaasut nunatsinniittut isumaqatigiissummut ilanngunnerput qanoq malugissavaat?
2. Naalackersuisut qanoq isumannaarniarpaat nunatsinni suliffeqarfissuaqarnikkut ineriartorneq malitsigisaanillu CO2-mik aniatitsinnginneruniarluta?
 - a. Isumaqatigiissut malillugu ullumikkornit CO2-mik aniatitsinerulersinnaavugut?
3. Suut tungavilersuutigalugit Naalackersuisut tusagassiortunut nalunaaruteqarpat, Inatsisartut ilisimateqqaarsimanagit?
4. Naalackersuisut pineqartumut allanik ilisimatitsiniarpat?
(Medlem af Inatsisartut Jens-Frederik Nielsen, Demokraterne)

Tungavilersuut

Maanna avammut nalunaarutigineqarpoq, Kalaallit Nunaat Paris-mi isumaqatigiissummut ilannguttoq. Qularutigineqassanngilaq Demokraatit isumaqarmata silap pissusaata allanngoriartornera inunniik pilersinneqarsimasut, qularutigineqassanngilattaq nunarsuatsinni CO2 aniatinneqartoq annikillisarneqassasoq isumaqaratta.

Isumaqarluinnarpugulli pissusissamisuunngitsoq unammilleqatigiinnermullu equsoortitsinerujussusoq Nunat Tamalaat akornanni pigissaarnerpaat ukiorpassuit ingerlanerinni mingutsitsinerpaasimmata, taamatuttaarlu CO2-mik aniatitsinerpaasimasut. Aniatitsinnginnerunissamummi aalajangerneq ajornanngilluinnarpoq inissisimaffigissaarsimagaanni.

Maani nunatsinni aniatitsinerput aniatitsinerput annikeqaaq, ajunngitsuuvorlu CO2-mik aniatitsinerput annikereeqisoq suli annikinnerulernissaanut peqquneqannginnerput. Illuatungaanili annertunerulernissaanut mattunneeqarpassippugut.



DEMOKRAATIT
DEMOKRATERNE

Isumaqarpunga Naalackersuisut tusagassiutitigut nalunaaruteqarnerminni¹ apeqquutit arlaqartut suli nalilersorsimangikkaat, maanalu apeqquteqaatinni qulakkeerusutakka, akineqapallannissaanillu kissaateqartunga.

¹ https://naalackersuisut.gl/kl-GL/Naalackersuisut/Pisut/2021/11/0111_paris_aftale